

行三步許卽再料取務要布種均勻則苗生稀稠得所秦
晉之間皆用此法南方惟種大麥則點種其餘粟豆麻小
麥之類亦用漫種北方多用耬種其法甚備齊民要術云
凡種欲牛遲緩行種入令促步以足躡隴底欲土實種易
生也今人製造砵車隨耬種子後循隴碾過使根土相著
功力甚速而當瓠種者竅瓠貯種隨行隨種務使均勻犁
隨掩過覆土旣深雖暴雨不至撻撻暑夏最爲耐旱且便
於撮鋤今燕趙間多用之區種之法凡山陵近邑高危傾
坂及邱城上皆可爲區田糞種水澆備旱災也